



Akcija SIPA kodnog naziva "BAYER" zbog višemilionskih pronevjera

Teret: Na teret su im stavljeni zloupotreba službenog položaja, sklapanje štetnih ugovora, krivotvorenje isprava i utaja poreza

Dejan TOVILOVIĆ

SARAJEVO - Pripadnici Agencije za istrage i zaštitu (SIPA) u saradnji sa policijom MUP-a Sarajevskog kantona, po nalogu Kantonalnog tužilaštva, uhapsili su juče pet osoba u akciji "Bayer" zbog sumnje da su kao kriminalna grupa oštetili preduzeće "Bosnalijek" za višemilionske iznose.

Kako je saopšteno iz Tužilaštva, uhapšeni su Šefik Handžić, Amar Arslanagić, Aida Selvić, Izet Arslanagić i Jasmin Šepo.

Na teret im je stavljeno da su od 2002. do 2012. godine zloupotrijebili službeni položaj, sklapali štetne ugovore, krivotvorili službene isprave i utajili porez, a kao zaposleni u preduzećima "Bosnalijek", "Brštanica" i "Carpe diem", zbog čega je pored najveće kompanije u BiH za proizvodnju lijekova oštećen i budžet Federacije BiH.

"Osumnjičeni koji su lišeni slobode će biti predati Kantonalnom tužilaštvu Sarajevo, koje će ispitati osumnjičene i odlučiti o daljim mjerama", rečeno je u Tužilaštvu Kantona Sarajevo.

Iz SIPA su juče saopštili kako je svemu prethodila složena višemjesečna krim-istraga u kojoj su dokumentovane nezakonite radnje u firmi "Bosnalijek" i dodali kako su u sklopu akcije izvršeni pretresi na više



Amar Arslanagić



Šefik Handžić



Uhapšeni bivši rukovodioci "Bosnalijeka"

lokacija u Sarajevu. Podsjećamo, uhapšeni Amar Arslanagić, inače sin Edina Arslanagića, bivšeg dugogodišnjeg prvog čovjeka ove kompanije, u martu ove godine je nepri-

ca. On je do 2013. bio jedan od direktora u "Bosnalijeku", a dokazano je da je rasipao novac preduzeća na skupa i lu-

ksuzna putovanja, za koja pred sudom nije imao opravdanje.

Za uhapšenu Aidu Selvić prije dvije godine je utvrđeno kako je u istom momentu bila zaposlena i u "Bosnalijeku" i u preduzeću "Brštanica", koje je vršilo uslugu ishrane radnika, a koje je od 2005. do 2011. godine za te usluge naplatilo "Bosnalijeku" preko sedam miliona maraka.

Kasnije je utvrđeno da je razlika između potrebne i fakturisane količine obroka oko 3,5 miliona maraka.

Direktor "Brštanice" tada je bio Jasmin Šepo, koji je takođe juče uhapšen.

”

OSUMNJIČENI

Uhapšeni su Šefik Handžić, Amar Arslanagić, Aida Selvić, Izet Arslanagić i Jasmin Šepo

vo snažno osuđen na godinu dana zatvora zbog zloupotrebe i pronevjere nov-